

荀
河
詩
集

筍河詩集卷十一

大興朱筠竹

癸巳

喜吳漢波秀才至

齊雲宿宿雨別子遊黃山子從雨中歸我遊入池間靈
飛萬瀑布身健出浴鷗無路獨叫絕惜不子共艱春風
吹衣晞昨老今嫵嫵風兮胡媚我子足不自慳山中越
五百率姑溪潺潺子不來我思來况適我閑平生束髮
交飄落誰牢擊至愛執手說入夜目判鰥感子步我卽
腰膝無樞樞情邇何畏遠子勇真過驪我有屠蘇酒改

歲臭若蘭聊酌以永子梅華開同覲

和州觀李岐陽武靖王像長歌

春雨十日歷陽郭橫江濤聲夜半作隱隱雷蟄漸欲驚
黯黯雲寒仍未却和州之守示余畫此間李氏裔守洛
朱衣玉帶烏紗人炯炯雙睛負墻堊工師脫稿初裝成
四十六死佐命生肖像第三配廟訖此圖家祀傳分明
世更三百在畎畝貌閱九六逾崢嶸臨風舒卷粉將落
屈指戰鬪刀猶鳴岐陽十九功名始見舅如娘明祖喜
冠軍驍勇援池州義門覆露感浙士大海再成亂定祔
平章右丞聲破鬼嚴衢信處諸全軍少年總制人人美

司徒二十萬衆來以少擊多何壯哉東北白氣壓軍上
占之曰吉大霧霾悉召諸將仰天誓文忠分死國事諧
橫槩鐵騎自將出高高衝敵敵合圍霧開電掃手格殺
縱橫馳突獵羆獬大軍乘之城鼓鳴九天九地敵營拔
楚諸侯觀呼聲動晉三日穀氛氣刷入杭畧閩萌隸休
薄都絕幕寶玉達開國輔運告厥功大都督府曹國封
下馬步鬪戰場烈通經師事儒者風數從賓客諫黷武
願少誅僂疎刑宮一朝積譴豈中毒哀哉憂或傷王躬
李氏家聲古來舊何物九江睂目秀開門迎敵父無能
絕食經旬兒孔壽此圖在堂不鑒之况有御容甥侍舅

李氏尙存于嗟乎優孟叔敖人則亡敝絹空留照江皺
明太祖像

樂巴祠 在和州

我遊梁往來十五里數問有火公祠斯樂巴薦藻蒞數十歲以前疫鬼妖燄州人大病之牂頭劇痛癘禱祀走不瘳衆鬼覲且覲曰巴見神戰若斬求食繇民立廟以報火公像神愠我來曰噫嘻此祭恐汶汶在典祀功德降神不可訓譬如日月照氣取則爲暈如以鬼勝鬼相去鷄羣鶻或土祀厥賢巴更何見聞范書傳可據籍內黃魏郡太子賢曰曷故縣隄官醢其曰官所歷歷陽此不索刺荆守豫章二者互紛組九江與豫章同隸揚

異分荆無歷陽縣名數烏可貶流俗不讀書傳會強拾
據想緣役鬼神消異疫僵僮冠服崇棟宇貌儼旒垂纓
野巫迎神來風雨竄黷斂尙書靈豈安不餒偶會運門
外鴨腳樹過者耳枝韻祈祝福徒妄習讀德自薰婚喪
禮久弛靈兮牖之奮

巴爲吏人定婚姻喪紀之禮
課令幹吏習讀程式見本傳

考子塘觀梅花宋杜師雄先生所手植也

燕人不見地上梅磁盎珍護火室煨曲房密櫺深窸窣
美姬艷處相憐俱吳人種梅巧取利老物實盡薪爲摧
連林心招挑以目可奈倚笑花如堆由來紅顏命則短
入宮閉絕嗟塵灰豈若攷塘宋杜氏二者不歎梅之魁

我初過和竊聞喜天門遊樂窮崔巍下山北走豐一麓
僕馬四十驅虺虺梅花盛開若待我見之再拜而百回
根老一一枯盡四古劍澁蝕到鏽千年龍首決渠出
支厓屈曲僵摧虺其二華發上雲合萬蝶舞下光旋迴
闕虺與龍戲嗜噉枯死者活噴瓊瑰眼中了了神失所
翩然屑屑臨厓來或疑妻作林處士明湖濶渺誰之媒
杜氏諸孫前致語詩豪首植花偉倬康定熙寧閱七百
卜年鼎共呵雲雷往時石歐互贈答徂徠松更滁桃推
老師幾致後死斲醉翁無復其中頽先生風流追師友
遺花爛漫山一枚羅浮夢同名不異終古生死梅胎卍

此真繫樹賦君夷可似才子名隕數花猶如此古我好
逡巡肯放千斟罇和州太守起掀髯古人之植今人培
子勿顧影花識語築亭行且周山隈佳哉韻事要猛力
明年花發吾追陪

姚廟

在含山縣北五十里

坡陀沙路柳纔萌姚廟前頭少宋氓尉子橋留化碧土

海陵詩作擲金聲

海陵詩云獨領孤軍將姓姚一心忠孝爲南朝元戎若使徵兵援未必將

尉死

死原未必軍無援敗亦何常地有名日旰祠空烏

亂噪城南郭北可憐生

橐臯有孔子臺

會繪吳微牢夫子六十四五年哀十一反魯康成志其
春齊戰清賜以吳師蒞明年會橐臯魯存七十至齊吳
亂且破雅頌得吾類老矣不去國讀易彬彬謂不知何
時遊先此高臺萃下有聽書港不舍聖人利西隸橐臯
縣地里九江次浚適入合肥在北晉縣陸杜征南釋左
今則巢之地犬牙互蠶食龍戰易方冀踟躕一畝間永
此想洙泗孟曰過者化留之若有嗜臺脚曹孫爭不直
一鯨咽

宿柘臯鎮弔劉武穆公

順昌走將拖金貂五千少標十萬剏邊帥兒與太子戰

譚尖語誤不自聊燕北重寶輦且棄淮南大樹撼自凋
岳楊召去劉亦返待寇再至重理料官家倦兵相息事
鐵面銅面軍胡驍兩河捲土詔淮備三帥不用制用調
判官度江會沂俊清溪要扼敵首鼎夾石梁陣柘臯止
薪曳橋疊風蕭蕭甲士卧搶天險守十萬來一首隕殄
拐子馬翼長斧斫與王德等追而跳兀木望望順昌幟
大軍呼壓山焦堯南朝飛將亮猶怖完顏死此書壁遊
柘臯小勝亦可喜駐節看爾奔侏僂如何熱血黃幟偃
平生報國言懸刁東山蒼蒼餘戰色太息孫峻嗤張遼
美儀洪聲德順子想公此處磨戈珮春熙野店畧憑弔

小朝廷將孰與僚後來儒生規更感前旌仰聽雁嘯嘹
甲戌和劉崇如廬江小吏妻作二首越二十年癸
巳過合肥金斗門小吏港仲卿妻赴池處也感
之再疊舊韻

上堂府吏跪來長薄相難消紅粉粧阿母十三能汝教
小姑七九可相忘妄談窈窕求賢女錯認蘭芝嫁義郎
裙袂衫單草草畢合歡被自莖鴛鴦

可憐相向行人駐不免無端覩此茫脫履池清堪命絕
拍鞍人故底心傷生光玳瑁簪胡鬚死結梧桐盛要囊
非是驛梅頻數賦差宜吾輩廣平腸

燕歌行爲琨霞川題畫卷尾

琨君神俊清于秋逸情偶與春風求召工圖畫美莫儔
二八羅列侍立修中有吳歌逐越謳目瞬一轉聲三留
芭蕉布葉梧桐抽雨宜風善意始柔君乎中坐以夷猶
二十作令隸潁州仁虎歛氣足食牛二十九日醉有由
重牘山積吹毛輶事治日暇且少休飄然意到神山頭
山頭飄渺顏色猶青琴黃娥態淹留空中杳入四體浮
下視肉走皆濁流與之一語蘭心投秉意正視無喜憂
君脫遇此有夢不人生放意不如收會逢所適君才優
豐功竒績古一邱靈怪莫窮山水幽黃庭絳衣秘孰搜

君乎還坐主一甌焚香一晌茶一甌讀書盡卷神自遊
君之所樂非人謀

潛山種花圖爲琨霞川作

潛山古南岳長養松檜老河陽種花人於此費幽討君
年二十三肘壺自懸寶忽坐江上亭大觀寫英抱耒來
山水縣讀書欲近道呼童移雜花參差石根好祝兩水
朝來沃及階下草紫莖蘭揚風玉質梅晞晔共爾秋及
冬四時各相保此意與松檜無彼此壽天花不一時榮
藝之愜所抱人不百年守鞠之如吾祿一父綰綬行潛
山倚蒼昊君子樹在斯嗣勿翦而倒

賦得渴鹿羣窺澗

得窺字

山轉入巢竒羣遊聚鹿斯草啣迎日渴澗響出雲窺玉
戴年誰紀銀牌事莫知麕麕蹊町唾麋塵角支離不飲
狐疑立爭看魚戲吹啾啾聲互語嶽嶽影相隨照鏡雞
雙鬪奔泉驥一馳無人有此態詩合放翁爲

賦得賢者不可測

限通字

前賢奉檄子輕喜若爲同孝矣寧中熱堅乎似外通安
陽一尉賤少節舉家窮祿給愁供盲官除愜養豐色飛
過客笑論定所親終八月羞羊酒中身慟樹風義今微
不起張昨見何蒙龍也吾烏測從教駭葉公

賦得曾飛吳主騎 限抽字

不圯橋如故當年吳魏讐阿瞞百計陷大帝一身抽從
後鞭施急空前鞍據浮紫髯回顧喜綠耳聚蹄愁肥水
呼公渡槎山賦馬求今來詢戰處昔未有城留雜還穿
烟戶蒼茫上酒樓路人指教弩又聽梵聲幽

飛騎橋今在府城中

一名逍遙橋教弩臺久爲明教寺矣

三月十六日試罷觀合肥縣學旁巷王氏海棠

憫忠寺裏年年看海棠晚放春風寒廬州江邊春半早
人言仙樹燒砂丹一枝折來餉鏤院繞之百帀思同韓
上已盼盼十三近心愁花到清明殘

是月十三日清明

放試幾

望匹馬導循墻曲折東家壇却騶步卽不問主朔方花
部此可汗吾未駭花已駭樹金狄高鑄形蹒跚又怪天
姝古之美十尺妃匹何姍姍大珮長裙世獨立霞髻霧
縚霄猶干俗人無復出人見敢婢梅益臣盆蘭微香小
蕊足艷目夏蟲合對朝菌嘆此樹十圍又十仞散花兒
侍雲衣攤曉空沆瀣飲花醉色飛初扇形烏翰東方渤
解倒吸景杈枒亂掛千枝珊升紅上聚照山火下土仰
視羞寒單平生愛花兼愛士士如此樹嗟哉難江南有
秀吾畧采碩人未見心匪安入院憶花出懷士此花光
敵文波瀾故林調饑勞夢想適來爲爾忘朝餐

浮槎山寺觀紫牡丹花時清明後十日也

廬州城中城外

牡丹藥並如核桃大而此花獨盛開廬人傳以爲異事

花皇花后古所瞻
魏紫絕出媧兼炎
洛陽名園吾不及
眼中所見心差饜
浮槎寺始蕭帝女
揔持師鉢擲鏡奩
夢中山水現身住
天花天女心先占
覺來手植海榴樹
紅襟破碎初陽暹
空中色具空不墮
閱世遺剎吾來覘
入門升階牡丹坼
厚葉梔子櫟茅纖
牡丹花先二花樹
一本百朶開明檐
艷魄似扶霍舞玉
英彩欲走騎飛髯
古魄逡巡芝怯采
靈妃涕泗竹已沾
飄然萬片紫雲重
非仙非鬼山阿淹
海榴死去骨再肉
暮烟借色光流崦

若有人兮花慙慙千年不見六日簷位置仰稱崖确砢
潤澤久待春霰霏嗟此花北當夏爛南藥雖吐口尙猶
司分栗留喚桃李婪春芍藥遲櫳簾清明節過剛十日
嘉種應麥秋蘄蘄此花何獨異此地先開罕覩人言僉
豈要盛妝客狂顧空谷楚絕香颺潛花開適逢我來日
山靈惠我嘻傷廉我坐客飲花飽雨快意直到山之尖
不煩羯鼓致韻事急鐫詩石刀須銘

別虞橋曲

龍虎雲生烏浪死駿馬行行美人止橋邊叱咤嘆天亡
南走歷陽北廬水楚歌四面中和歌妾先王死王奈何

八千子弟隔江待蓋世之氣休蹉跎重瞳一顧回日月
遺視猶縣肯偷活王頭爲德妾頸貞不比名騶遺漢卒
居巢魂來直在背老臣何如弱女淚磊磊落落尸馬前
莫將骸骨乞王醉我看浮槎兩牡丹漫天姬泣揮空烟
人呼鰻魚橋上去不識當初別虞處

定遠張橋館壁所掛錢茶山座師畫芍藥自書已

丑春仲感賦一首

館壁移燈索碧紗鉅公殘墨尙村家軼才早悟聰明算

往跡真成富貴花初本模糊疑癸丑

蘭亭本癸丑暮春也流年振

鱗嘆龍蛇

師去年沒歲在辰今在巳矣

珠籠橋又張橋淚連夕零如

雨倍加昨冬聞師赴于滁之珠籠
橋館連日雨今日始晴

紅心懊惱歌

前年紅心人不來今年紅心人若來若來不來客行過
樹樹如雪棠梨開

儂過江南歡過北紅心小小橋偏側歡莫錯愛紅心名
繞欄覓儂儂不得

紅心橋在紅中央春來橋外雨浪浪儂夢郎行雨三日
醒不見雨不見郎

歡情淺不似雨深儂情不雨深到今湖邊浪頭拍天大
歡爲儂好住紅心

宿明光集

我來東陽城四十臨呼河棠梨樹開開依水邨落多蒼
莽山龍飛噴沫盤蛟鼉此去須澤國延佇聊吟哦土人
指紅廟往代光神呵一里夜中華鞠抱義與娥浴泉泉
冽香衣以千紅羅至今集餘名髻說童猶歌沈沈龜山
足浪大于虡池下有古龍宮厥房水四阿或者水下土
龍嗜人則那僧伽塔不保忘骸浸婆娑海田信彼此塊
扎旋滂沱平陂往而復一映非關他往事不須論程役
驚蹉跎信宿吾無取潭淖空掩嬰此間征與畊同苦雨
奈何

泗州試院聞閏三月四日得孫寄子錫旨

汝祖五十四吾兄舉阿得作汝從兄長十餘儀不忒吾
今四十五得孫早喜特卽此嶰吹簫庶幾荆琢璫吾快
得所抱汝先勉能克身教從惟正言信成于默不類或
思類負螺祝跼跼儀禽導么鳳五采作之則汝不勤讀
書有子須勵刻汝不勤爲文須弄筆與墨唯唯順阿母
要如馬銜勒將責汝成人汝將顛而仆亦宜畧學父示
汝子白黑汝若先不辨汝子遭汝賊汝勿忽父言聽之
如聽醫十九有子人勿形清神戒好風發言歌吾役泗
水北詔汝江之南各自敦厥德

泗州試院盆中植蕙有作

蕙生山石間言樹在盆盎我行卧盱眙得之若吾黨綠
葉何披披紫碧茁書幌殊色而同莖秀自絕衆莽鬱鬱
雲涵密瀟瀟雨灑廣受潤花有氣著清山無垓萬古淮
泗靈楚澤浸瀕瀕中有騷人魂散入墮露朗花兮如顧
我空谷音同曩我胡此山中十日對矐眈

幽草爾馥馥人生若有愁臭味自知之風雨何不休三
夜置浥露暴日迎其柔莖舒花爛發輕颺吹悠悠昨宵
拉雜聲亂意驚不收遙遙澹泊心自托山水修不花花
固然花亦非有求大塊何噫氣挾彼湖氣浮殷勤護根

葉不改吾芳留感汝路邊薺顛倒泥中抽

觀僧伽師塔書其圖記後

脫罪寧計滿船資韓詩不解吟嘔吟嘻僧伽塔如人耆
披圖讀記我心惟厥疑忽失飽喪饑師初掃龍興寺墀
正殿不支荒壇墻乞五百千師曰唯時二比丘笑而黷
師曰來汝覲江灤樓船壓浪人挽推捆帛抱貝陸輦馱
其人彪發馬則驤師呼若剽將安齋若賄水中焚自悲
兵乎在頸賄貽伊盜駭舉施師靡遺構殿數不遺一椽
已而盜敗赦獲夷來膜拜師去仵仵師活我豫且之龜
見如茵支塗麻脂昌黎詩之送澄師師來西天竺賊隄

何國何姓師耶誰賀跋元濟乞隣比此舍古佛棟與楣
普照王像爲之尸掘碑得像觀者咨十一面現真牟尼
塔初建泗覆裡蘖金色寶相築土飾師指螫龍懶儼儼
神告列缺逐以匏甕櫛出指裂飛鬚手瓶擲裴妻盱眙
卧者起趨自褰帷齒痛丐飲巨石獅子母不藥哈夷夷
有疾曰癩師蹙眉維楊及柳灑之綏沙鑼斬予水汝屍
婦脰有繩口齒肌索畢侯扇波猶砥知悔惡鬼現善姿
行矣白衣人來遲五百尊者鐵胼胝出井師代衣蝕落
萬迴遭師恭且寘曰觀世音救瘡痍師心在泗喻日葵
化臭而香塔如錐頂珠光闐龍躩跼火師不壞衆涕洟

毋令水作人鯁鯁是匹馬鎖亡支祁鎮此淮泗留民爨
以佛法度悔可追前年風絕塔冠綏唐人寫經飛若鷗
環泗兒啼惟師私破柱元立功何丕茲聞我來雨澤醴
塔汨沒水師持維我何求師禮阪低目知見師心知懷
李邕碑沈孰諏諮披裘水邊淒裕稀我思據殼食蛤蜊
雨發泗州入夜至來安界石

霖發早思乘曦藏晏已得四十漫如餉二十晦若墨界
石橫道左五里可時刻詰屈誤人屬縱橫亂地防潭積
水疑明石縛徑阻繯興行前一步山勢忽四塞漆桶與
布袋面背意南北平遠訝近立牆壁夾鬼域我坐靜久

之虛白照不惑天空數點星巨盤點玳瑁三聚一或散
曲折失恒則勾股算難定宿流偶然忒便暫住此中無
被強自覆縱來虎咆哮難學蛇匍匐俄頃聲漸聞舉山
擲火國萬事儼變幻故城去惛惛

都成山三銀杏樹行

昔三秀才來此山餌果遺殼巉石間三株千尺結實美
土人說之猶流涎氣偃松楹壓草屋蹤跡窮山過客目
偶然味熟別味生自斷工師斧斤錄番番希種乃特奇
神仙遊戲是耶非干霄薄日器連理霞癖烟膏心獨知
千年乳大百年小攝山僧紹青山眺江南遊徧六朝山

茲與世味殊猶好何物山卉山中查一味酸甘媚齒牙
間入藥籠已嘔洩阿誰矜之梁柱誇此種材長尺四五
繞樹兒童嚼且吐櫨橫根直脆那勝若教支厦木羞伍
短長收棄由天幸樹不自言人自省賤輿走卒去復來
噴噴太息三銀杏山查花開春風輕我初見爾態亦傾
谷側崖顛花得意噫爾貪天不知地

將旋太平塗中感興

齒利角或去川清澤有垢天意於萬物非不仁且厚小
人懷區區旣苗望無莠三春麥刈錢又待稻秋白更祝
雨無害不雨汝先咎我行亦雨苦况農憫雨後潭潦不

可行登岡僕嗟陡有憾側天地無計道左右物論安得
齊多言歎莊叟不如笑任之胡取百可取

物欲有所成不欲有所傷成者人自勉傷者人自防我
性本拙疎念之莫忖量古誠蝮斷臂亦譏蠶飼桑不飼
人何衣不斷人則戕竊乏衛生術恐垂畜養方紛然百
端入攪我九迴腸生已半百年用老憂久忘役役卽變
化當事思其常山蹶而水涉咄嗟心徬徨

過來安贈知縣王健菴

惺

相見翻思相別前文場戰山幽燕番禹海上八千里

京兆廳中三十年

壬戌余與君同應試順天府丞署君以宛平縣試第一人入學自此不相

見後君鄉舉官廣東
今年癸巳卅二年矣
昔影迷離驚客夢
半生契濶慰江
邊來安水亦聲如絮
話久檐花落未眠

北人酹酢自知迂
花縣相遭喜絕殊
宦靜不言名第宅

病工出少白髭鬚
舊遊孝鬼銘悲泐
沈禮存以火救母
軀死獲旌

立鄉同學清標綬
懶紆元禮前輩
尙未補官好處江南歸亦好摩

訶菴約訪君無菴
在阜城門外君家文貞文端兩公讀書處

哭兄仲君四首

神傷夫何言
慘更骨肉劇同身
我四人兩兄
今餘伯書來
飛我魂病耗
昨明白謂兄
學道身天平
不遇迫誰知
理難恃人影
本過隙兄行
亦灑然子孫
一再索在世既

曰福返真懽與泊我徒胡此牽失聲令心逆

天敘孝與友惟兄卽其真生小宜于母母愛兄有因吾
父尤愛之義方未嘗瞋母背恩父面去官來事親古云
形聲無先意嗟斯人三十七而歸六載竭昏晨伯兮顧
仲喜叔季惟兄仁人人曰兄善曷不佑鬼神

毘邪遭問疾門得入不二苟喻大涅槃諸怖何所自兄
早讀書去大乘非目視乖無乖有論不可得乃至今茲
聞兄化黃面瞿曇類稱謂一以絕何言又何喟吾方患
有身感我萬物備不聞佛有弟悟亦悲面淚

完山生四鳥當別鳴聲哀至人猶動心念我辭庭陔不

養蠶風木四方志何哉弟官太行西我江之南來臨當
送城門綠酒搖朱埃飲之五里泣兄羸我心猜自從兄
之東始別滂沱纔寢門內何處已矣淩敦臺

寄劉松庵同年

十日霖走熱苔上柏幹膠江南要藉火晴喜秋禾穰燕
湖一日風故人劄綢繆一云憶經歲盈盈間池流一云
良晤邇午日船蠕蠕我寧不依風異畛草自薺時爲求
友聲學彼叫天鸚相聞庶一思自樹勉百休華華安石
榴節候浮觥觥傾君白衣酒企子綠庭幽

吳純甫舍人見訪留詩次韻送之

披衣善卷又方回居索惟思迂士陪中隱白公聊復住
小園庾老儘教開羽華風上驚能語樹古雲頽喜不才
豈料趫然履忽倒曩遊記得日邊來

小宜流寓竹周寰我字君名往更還調北爾高真白紵
峰西吾憶亦青山勝遊相對翻憐別佳客能來且判閒
莫問黃雲有捷徑行乎無意那須攀

贈洪稚存歸以壽其母

洪生才如矛決刺快棘種從我我來南得子色已欣更
有黃生竒猿骨鶴之筋二生於常士兩扛龍文斤我偕
犯天都料虎啗齟齬試身爭自誇告我歸慙慙曰余有

母在登臨省當勤生母年六十抱節襁汝懂汝父行我
書母之節斷斷生行顯彰之有待曙欲听成就棟與桷
始見泮一芹學之博孝備理順樂且訢吾不爲卮言歌
慰子請殷

贈沈旣堂同年

我年二十六君年二十四釋褐同入館相愛如叔季又
同讀國書字首授中秘君書數烏珠三英館師喟我
作和勒根拙哉對君媿君歸新婚來授職名相次看花
連車騎把酒呼火荏拜母爲具殺羅列潔治器同年二
三子酌戒薄必醉蝟毛籌更罰深杯引輒醉君呼小童

茶楚楚衣方出我酒強欲噴淋頭顧而嘆半席大噉去
來日又復萃此樂幾十年君婚再都至我乙酉持服君
出守駕駟朱繡馬五之慙慙別匿淚改潁治太平南州
六朝地佳哉山水郡用質樸治膩清名口到耳朋儕歌
以許光我甲戌榜異乎俗在位前年我使來署乃與君
比再拜母於堂執手惟相視不意此郡間三年吾人二
謝朓宅餘青李白樓真翠謂樂日日同白紵僅一遂我
居君乃行奉檄粟振泗君去揚我來鳳陽遇非冀椒酒
春一酣竹廳夏載堅今茲庶過從良會未易致曩人歐
思在會合韓句遺鼎鼎共百年旬四過五暨相最惟樹

德利不趣或利夫自有安樂毋恤予汝棄吾輩年相若
顧同年曰類側聞始和令萬憶髣掩疎小暑葺堂軒勿
拜夷所庇似子澤留厚永我風之肆人如淳且清歲歲
飲逾懿姑溪味在樽相贈惟摯摯

唐心齋同年

培洙

官直隸請假歸葬畢送之北行

竹陰一夕風池萍綠如沍故人來笑言菱涉千里路君
南我土北此土君之故我久住此主君如行客過天地
嘻變化事事豈人措忽聚晤樹立偶語聽鳥訴各敦一
樽情莫枉百年素君行令我鄉疾痛慎鞠護我以文訓
此灌溉除萊汙努力經之心將之在無數青山同望望

握手去日暮無爲贈子別相見勿改度

古人友之思亦欲聞其聲君歸甚忠信初以工事縈百

雉旣飛革飄然一官輕服除職不解悵悵泣用情大吏

爲動容破例許汝征三月期必復寇安君手營

君聞母訃上官

以城工奏留所在旣訖事服除不得擅歸君泣請三四

總督周公元理乃給文書許假三月歸治墓事此非例

天詔迎入廟仆地禮不成聞子捧棺呼前和熱威精骨

肉信有通一氣取以誠兄死弟一身爾我非合并是堪

敦薄俗豈忍迫別程倉卒隔江發橫波眇盈盈

爲淡蕪湖題教子圖

爲聖必以範爲木必以模古人以身教欲畧似其物鸞

驚千采章顧厥文雖呼或願作犁牛驛剛亦吾徒蘭谷
根必香海之枝珊瑚亦曰惟其似不他似似吾淡君起
關中其計樸是圖子讀不成耕成者冠加顛諸子面秀
發關之人曰都來官江之南坐兒吟咿鳴大者授周易
小者碑洞摸兩郎哦急就日獲三千租惜哉童烏孫秋
老烏化鰓百年四子足一官聊相於知子潭潭意久已
齊榮枯召工畫傳舍家近華峰孤

我生鄆杜間水盪山屋似曲曲縣門東桃花艷十里夢
寐頗憶之吾父此教子今吾子有子浩浩大江溪教士
先子教不教吾媿士如何教子言刺促發吾耳蕪水出

富塗源清流則駛渭瀕四郎君影澈江波裏聞君苦告
民以子誓不齒此意真古人笑者譁滿市君乎微掉頭
曰吾從所喜五際與五修聖言語庭鯉子賢與子愚陶
杜浪相鄙昌黎慰東野語不莊非理北方唐實氏連珠
集有以君言嘻富哉庶幾優於仕

題俞陶菴晴江春泛圖

江上桃花光皙皙紅於野燒烟不熱半帆微皺練茵平
水色如天人面悅知君家傍滌湖邊書帶草屋草初小
三年歸來四葉生傲然石罅不萎雪幽居有地樂事多
授我兒經遠來子我密教士疎教兒君爲教之感可說

幾秋燕市求塵中故鄉有水心自澈五湖三江森孰辨
一葦杭之似有輟適從東壩換舟來六代之江久已別
且坐晴空穩壓波好風吹花堆岸缺佳固可樂行亦佳
翠螺春滿松生蘂江山勝處人生遊無意之遊始冠絕
春晴如此客忽忽萬纜樓船挽遮迤此中泫泫畫豈知
叮囑兒郎年月列

發太平舟中寄諸生

百舌喚朝朝善言過鸚鵡似爲客將行叮嚀故連囀月
令紀無聲北儕非南偶此鳥曰四季語我意良厚我詔
此間人以腹不以口古之鳴曰善善鳴在四部孳孳字

與音須辨子與母九夏吾語汝故書誦某某知其意者
誰爾鳴尙余叩今當解纜行聽水山根走百籟同一和
聲聲好自剖

爾雅詁衆草亦曰綸似綸人取青若紫不求之草間如
何通經士青紫是之慳我非談故高子尙行求艱古與
居曰稽獨居無乃鯨經者萬福原不求福者孱再食盡
一卷可以消晝閒胃中書味飽色乃餐青山鄭訓與許
丈猛鬥兩虎虜欲試解卞莊且勿畏成羸半年別憶爾
讀取流潺潺

舟中讀謝宣城集

吏部文章幾百年半帆風裏送遺編去雲雨角青山石
在水中央白露天梔子自憐牆北詠波臣莫斷府西錢
敬亭前路吾今往愁絕江南紫葉蓮

平川

土山曰盤龍平川浸其下水色忽深碧樹圍穠短槎槎
長綠逾密蔭水穩不瀉午曦光陰陰潤似新雨灑我舟
出此間別仰天一西岸草葉微動中有人傍偶身過發
幽想水意靜而雅五里指茅浦敬亭入謝廈茲川無人
賞吾益不能捨

東溪

柳絲風轉大橋頭野鶯情懷故未休
而月又來尋短渡
一生強半屬清遊
過霖溪水痕仍漲
退暑蛩鳴韻似浮
此去麻姑程四十無涯人意海棠秋

過竹絲岡入涇縣界

敬亭釋戴履涇田秋老人來薄板肩
山脊雲低輕汚墨
竹林風上淡吹烟
漸詣幽澗鳴呼客
更馭羣峰飛刺天
泉液嵐霞吾敢癖
都會位置謝公前

琴溪示范叔度汪劍潭

石橋一折化竹林
瘦鞭苦筍生森森
北高粱鎗南稻針
似束麻立散不禁天
蔚藍下地綠沈中
徑翠台人自尋

曲曲璣穿珠之琛葉交柯別光來臨竹根山丹麗以滌
片紅驚飛鳥亦吟萬个碎憂琅璆琳輕風一聲客嗅醺
吹我醉踏橋崎嶇古臺一高溪一深鏗然中有太古音
仙人去後橋橫琴斷絃昨夜裂徽金瑤柱入火臺如燼
或云丹竈藥瀦浸遺渣爲魚小曰鱗我行唾溪魚目睨
胡麻粒浮靈所散人食之仙浪傳今絕壁懸洞捫井參
若黝若聖陽耶陰我有二客精琴心汪生指響范生暗
人玉皎皎韻惜惜同來斷橋坐披襟無飈車土嗟何任
谷空瀨應悲號禽水仙之搦在茲岑醒不可奈復醉斟
與子行矣暮色侵

白石山至五臺道中作

蒼壁皮老皴山丹簪之媚赤暎嬾未起牽牛偷作翠牽
牛朝一放山丹歲一恣一歲復一朝明河女艷至我行
七月杪七夕近取類神仙與花草山中笑相視人生偶
然來顧山與花喟山花亦粲粲醒我朝來醉

向日葵如盤如蝴蝶翅黃毗睨老冬青不寒如寒蒼晞
光從其遇變節非所戚山中得此態砥礪敢不聽鸛鵒
羣飛呼輕喉弄圓吭亦要水石清沈簫非滑簧以此悟
文字妙籟生虛陳聲色二無著變現中百忙

亂竹蒙恠峰巨獸搖毳毛風發呀駭人聲勢千丈高漸

漸流亦皺羶蟻赴穴逃細動更急擁落石空飛刀山窮
天塞斷日炙朝烟膏氣濃光忽澹屢折一洞遭出苦甘
始入響響源真桃笑顧畚揭者埋我此亦豪

善披洞土人云僧伽大士所嘗晏坐也

跡不曾磨心要磨暑知無浪亦無波塔圖竟劫崔呈秀

山洞猶借滕慶和

此間玉壺山梁滕慶和曾飲實隱君處

竹髮鬚鬆駭面

叟泉音嗚咽感心婆去年雨已悲啼悟此日晴來意作
麼

積溪道中

相識青松滿眼前白雲影在尙輕烟沿溪語似聞驚浪

過嶺人來看小天火沒重披絺葛服秋成一穫壑阮田
蛾眉今夕思難見回首輦亭總惘然

書歛程孝子

文元

紀事後

愚何可及性逾真那忍知年計吾親臂肉公然不死藥

多因阿姊誤斯人

孝子再剖肱爲姊所止母遂卒

薛包毛義竟何如累母人從附傳書

薛毛范書無專傳

若使文

佳行又篤蔚宗逸韻亦聞予

余失孝子于童子試故勉之

登蓮花峰絕頂見雲城之異歌以記之

江南山山曰蓮華坼裂菡萏名妄加九華華開辦亂放
餘者一片或一丫歛蓮華峰得蓮性一莖通理抽天葩

黃海中央擢秀上交合沈瀛仙杪芽我摩天都右脇過
玉屏風上行些些翻身蓮華溝裏入坎窞一脫血肉痴
清風推我石楞寸魂魄不墮喉歔歔老子頤立我欲坐
上蓮華嶺聊趺跏此間來止丈萬萬仰看峰自飛雲遊
從奴健足一昇去顧我瞪廢如瘋癲我口語心心語足
上也不能莫欲罷平生好奇靈境卽甘心豈顧身參差
崖月生霸石翹望躡其睫去臨谿舒二分側屢倚巨石
野菊艷艷媚蘂荏轉股亂莽水溜走一推三卻崩浮沙
巨石打慳折不得靈氣勃勃騰颺車我勇初鼓洞門得
肺腑示我相向誇俯身狂喜折者再妙香心沁不敢邪

三幽四曠里那記每入而出躡躡苴必有怪松料守戶
鱗蒼鬣鬚衝人峯亦知蓮質本空洞藕絲斷續緣穴斜
的的穿房石結蕙撐撐飛尸其葉蘊行乎無怖闖靈所
洞窮壁立百丈餘五內已灰壁見趾導者躍上爭獠猗
青布兩足結縋下挽之亡命犯石牙盤躡天海觀嘆止
並厓溝夾支機查樞襟聚足風掃級前踵見布以手抓
浮生竟上蓮花坐石尖圍我中尊汗盈盈香砂蓮氣一
天風盪目彤精佳須臾上界青廓廓四周億萬環闔闔
女牆一髮壁淺碧鵝黃驚赤重重霞色有五莫辨孰正
萬雉立巢三足鷗山靈借日示我影失笑脫屣忘吾家

芙蓉之城此豈是本來清絕寧忘耶左顧天都平眺往
蓮蕊采采蓮船刻諸峰出沒白雲下繞城色界天無涯
前人但說雲海異我獨遇此嘆且嗟細書頂石詫好事
去去百步雲梯遐

出山

昨夜蓮華辨上仙在山泉送出山泉滿解石罅經秋咽
雲戀峰丫對客纏向水芙蓉開艷艷傍厓箇簾立娟娟
無泥亭外無泥嶺迴首真堪一泣然

過感潭留示崔永清崔繡崔鼇

巖壁西偏潭意清曩朝指爾坐光明

光明頂上望
見感潭去路重來

濛雨遲孤叟此地浮雲戀數生經一足爲七葉美人三
衆可四松成崔繡嘗以黃山四松遺余遷延三折菴前去茅竹垂垂
亦送迎

知池州府張仲模

士範

招遊萬邏山卽和其韻

亦知竒絕輸清絕江南山山我閱閱頗聞江祖石邊山
石石縱橫神劍切太守好遊遊以夏深秋我來校士暇
相招萬邏近郭南曷往觀之僕已駕我行而望竹樹蔭
曲蹊小聚山不言越岡見厓石齒齒清流漱之迷其源
白也尋仙期已爽獨酌高顛遺履象石半浸水半負山
忽若酒人睡隱類題識難摩我又來攀躋未厭峰頻上

萬个排空絳輿止碧色映人玉相似諸君待我舍輿徒
交手天門足側趾寶珠穿中蟻力愁怪鳥飛來僧色喜
歷歷雲梯厓盡處我坐爲山度楹柱樓觀宅尙說聘君
瑯琊翁竟稱鼻祖此中亭子太守爲子與前賢亦其數
試登山頂立周看密者須䟽缺者補三奇石累壓山寺
蟾蜍鼉鳳鯨魚意我來名汝汝記來何日天風吹我至

別張仲謨卽用杜牧之韻

黃嶺雲邊挾海飛出山木葉脫微微我遊九日依辰至
君地三人不速歸蒼鶻石偕凌絕頂玉簫峽更趁斜暉
遷延欲別秋無限滿眼芙蓉換芰衣

安慶城下阻風作

片帆爾發胡遽巡留我三日江之湄大龍山尖亭子外
主人送客客仰天方冬十月朔風勁吹船不動如埋輪
小姑彭郎揚袂召寒空九子藏其中浮山浮浮故夢隔
天門博望櫂欄楯逖哉翠螺髮種種諸山江上今所遵
屈指三日程未遠次第看遍嶙以峒杙枿綿邈飽兩目
順流平練鋪重茵如何惡風小作惡三神震眩非常倫
咄嗟蜚廉若有意掀簸讒舌歌采苓行不得也亦何慮
自仗忠信波能馴一行一止無不可枉費爾力搖爾唇
無心久已齊去住樂觀大水判十旬昨宵雪應大雪下

我滯且喜人有年孤篷浙瀝卧聽美便欲泛宅凌濤銀
非汝風作安得此襲殮差不慙漣淪王孫山遊當卒歲
歸時準備徵來寅卽今盡月姑溪到江山不惡聊依因
乃知心醉任處處澆者浪苦吾樂淳一樽酌風爾意厚
江上清風他時論

過太子磯

南人善曲行險阻無不到山所之字躋水亦之字導順
水遘逆風逶迤不敢傲拊鬣莫嬰鱗江神喜何禱微微
因其笑施施平其暴與風相左右無力行過莽橫磯出
岸東石截水激倒舟西轉借風且北且相號北風反助

之繞磯遠不冒岨竟成夷用柔焉致悼平生直且拙
因之自誠誥不解數嘗物輕投宜重報舟人指太子禪
也雲手捐此地入吳深浪語出事好聊爲磯邊謠舟喻
敢相告

舟逕青山山間望浮渡

去年山中宿岩躋首楞高桂華撲我面面與九華遭大
江湧中央羣山如戴鼇浮浮我立處欲踏天風逃今年
坐江中浮渡失號咷人言青與山中顛浮渡毛凝眸窮
視久兩山亦其曹山石剝見綠幽洞草絕薺江水輒上
洗薺鏽古寶刀青在其右南不比謝公豁檣桅略髣髴

一拳柅可搯此真匹浮渡石理浸古濤縮之置魚益金
尾穿孔邀雞鼓又鳳丹仙跡藏禪禪船至不得上風行
纜一條山下有諸生能文雅之髦秀色峰瑑瑑如玉思
子勞詩書勉自拔稱此山間豪

江中望九華作

入寶山中寶莫名百里以外態始呈九華如蓮華瓣九
瓣瓣跳舞仙之嬰我從去年山中別大龍復此橫江征
左岍浮渡山山隔大樓右架池陽屏危磯激水門風過
取飽兩目巖開楹飄飄九子盼不到思之萬緒胷中搜
朔飈小罷練生皺激波洗出日放晶西南一角雲脚淨

次第露豁華菁菁五老鬢髮兒膝繞烏龜上天兔目偵
傀儡處處邈不辨東厓徑曲回香程最高雙丫一強豎
蠟燭燄燄高燒頰鯽魚背瞥上捧日光中微白曩延頸
彼望江中此江望相看奇絕駭吾睛靈境散置八把玩
何以堪此福太清須臾羣峰忽飛動挾雲欲刺蒼蒼傾
萬點鳬飛負之起高危不墮隨風輕江山佳哉獨身寄
空濶無地投吾情仙之人兮不可致浪遊胡爲播其精
一邱歸去計真得溯洄且托波盈盈

大通口

辦辦福非蕊江中九華視舟過大通口蓮花瓣傾水銅

官古治所梅根名亦美我食而我沐梅與蓮相比芳氣
除我滓清氣消我鄙人生忽相遭一度可樂死我行泊
昏朝矜彼岸間短飲啄被文彩何以彈致否若聞彈聲
隱山水味彌旨我本山水人顧此頗自矢竹馬出山騎
水口老僧指

舊縣

赭圻山下落舊縣梁所治昔晉桓宣武築城山之鼻哀
帝詔且止溫軍自爲備頗同莽據杓或殊卓歸郿側聞
篩土囂鳥驚啼山四中夜萬馬聲蕭蕭踏營至江濤助
空譁鳥戰成不寐紫石眼蝟鬚當之亦心悸河上人潰

虛幕邊鳥立恣到今故壘風若答江歎喟我從大龍下
波歛忽得肆金城柳何堪夾岸葉在地

爲袁簡齋前輩題隨園雅集圖

用十八隊韻

袁先生人豪早歲抗前輩我小聞而識出自棘闥內倚
柱哦其文若無人窺背河漢聽莫極氣盛波刷塊入館
掉兩臂一麾縣印佩諸公去可忍送客淚面磧去去坐
廳事摘發漢簿對固自以無冤胡爲罔不熟路鳥與亭
鬼傳說咳閭闔神哉卦布似應若貞與舛古人先得心
偏治合每每一朝抽手版腰折自呼簪三十懸車勇喜
獲輸一退築園圍玻璃達心失羣味小隱水石倉不病

稱魁僊江山人亦佳秣陵拊其膺金石人亦收漢印扣
古來圖書人亦藏墨校筆點徽終年坐隨園三絕向客
諄爰開樊張門或擬米李續一卷雅集圖昔昔西園配
圖中有五人吳翁一鼓櫓鉛山老編修勃者利劒萍尹
氏佳公子風度何縹緲吾門梅岑少詩清撰杖隊先生
一飄髯主此牛耳創此集稱此地星星五采辭感別雲
若豔風流人忽潰梁公錄記之自誇百曲迴我來九千
後乙癸空甲隈喜得覲先生雞鳴雨如晦往者何蒼茫
念之心憤憤此圖此園人見拜不顧隻坐中蠟梅花相
視笑香碎來日江北去無由更聽誨臨岐詩諸圖書用

附鄜鄆

邳州懷古

甚囂塵上暮颺颺叱咤彭城此一瞰半曲虞騅遺漢國
幾年書劒滯邳州寒耕或喜鋤刈印里舞誰悲冠沐猴
初起英雄人廿四阿誰料得馬童頭

過嶧山作

江南木湊舟浪怒愁裂艫屋壁不動颺齒齒看堆甗入
東山曰嶧造化生劖劖剝自媧氏初無厚刀碎劖燉燒
少赭硃靈昏露青磴磴巨脇長駢草蒙髮亂髟直分岱
宗支法其狀巖巖粵生孟夫子張孔旌旗繆大道或茅

無獨以一手芟楊墨癡執犂行儀狡走龜辨告予之扶
折髡拔其多百氏紛吹沙壓以高岳嶮上上挂牛匡掃
落掎與攙惟山曰稱哉墓道當阿礪我行劄劄注無水
步則蹇輪化石田犁躋躍擲鐵饒仰仰遠睠嶂脰勞目
苦瞠層層翠出皴垠嶸生空嵌秀色透石骨餐之欲一
噉光飛來照物洞我肝脾鑑人不知糞心種不收穰穰
豈知石抱氣觸潤崇朝纔海風僵民生山圍被以衫道
如傳不得斯山作之監景行行復止落景山丫街

過柳下惠墓

廣陌蕭條松柏空
飲和畧住汶流東
小人有役歸懷擁

大鳥休談客畏風塵外合離援若止霜前枯茂澹予衷
海濱生伯陵生仲介介何緣強異同

西楚霸王墓作

城若橋穿古縣破棘城坡下馬欲卧碑言谷城是東阿

西楚霸王埋其左五體合一初時分赤帝子泣心則欣

諸生禮守以公葬浪傳李氏呼將軍

碑言有李將軍者爲項王守魯遺民

稱之殊不見傳記也

客買騅骨骨久銷插花夫人靈巫招此間夜

夜野燐上楚人一炬光空豪刀俎魚肉逃樊噲飲罷鴻

門天汝醉長陵一坏或盜之未必傷心人下淚重瞳下

視三泉古金槐劉郎魄無主苦心薄葬季之兒乃翁不

醬死亦土生背吾瞋面吾閉八尺拔山偶然撇獻斗碎
斗范與張辟穀難成疽易裂我來冬十二月風四山木
脫孤塚童心哦史遷本紀去逆旅挽馬寒輪紅

過高唐偶作

荒原弔古客來頻土守猶尊盼子神假夢無煩遣楚國
善歌寧復繼齊人髡心飲樂惟求土玉賦歸成不問鄰
煙外塔痕城半角何妨衣漸故鄉塵

腰站

腰站斜穿兩縣陬平原一角客歌道閨中含笑跛行汲
豪舉烏從醬賣遊雖不處囊真失計珠徒飾履欲何求

閒將公子評優劣何處東門無忌流

甜水鋪

過江山水二年期美處嘗餘漸到茲土不廳廳欲雪候
泉宜稼穡卽甜時近疆略覺歸來好岐路難忘仰止思
從恩縣以入德州卽不得過泰山下矣奇險曾經平淡得淵明方宅入吾
詩

宿劉智廟

濕墀軟草憶颺淒今夕前驂塵上蹊古社已無論魏晉
吾鄉卽此判燕齊絕稀小柳萌黃綠頗覺高粱接屋低
明發四更月色苦縮寒風味啞兀雞

劉麟橋

偶爾何論創業艱劉家橋外斷潺湲角麟應兆徒庸妄
豚犬生兒亦等閒中國攻餘金代帝穹碑磨未宿州山
余於宿州山中御莊舖近人猶笑里老妻卿學有鰥
拓得豫勅一通

交河道中觀鍛偶作

水合交河古縣因誰家淬劍偶比隣補鍋何業宜非計
鑄錯其間大有人躍冶呼錙休爾態臨流觀鍛任吾真
近來剛要能柔化別樣枝頭壁上春

近日江南
鐵畫精絕

商家林懷蔡子嘉辛卯十月予嘉候余於途宿此
午影塵不光孤村紆長坂念我同心人蹤跡何偃蹇十

年下帷密一別岐路遠憶昨此館中寒夜共寢飯我從
京師出首路馳張聽子開輟書來百里候日晚相見轉
無言其意良繾綣燭跋語始多欲罷口不鍵謂當千里
南三年或北返我二年復此子越太行嚙依依林木秀
若子立婉婉生意苞寒冬春行華實苑子才信云美我
歸手不挽空此古河間傍偃以仰偃人情愛所持莫釋
瓊與琬子行來慰我期子春晚晚

過河間示黃左田濮荆南

漢家國據宋關乘吾里燕陲最北稱一夜高城瀛地月
九河古道塞天冰賢王書在箴勤學逆旅稠輕趣夙興

來日江南同載客長隄誇爾兩輪陞

過鄭州故城扁鵲廟

暮春期會沸如羹歲晚來過冷祝禱人善自持原勿藥
門偏多疾不勝驚汁光紀地宜多死鬼與區書願不行
我欲長桑從乞飲歸看故紙略分明

笥河詩集卷十一終

筍河詩集卷十二

大興朱筠竹君

甲午

歸自安嶽石君弟用魚門移居詩韻見寄報之

渡江一去感浮家水令歸來歲再華
差喜前途迷未遠倍憐我士聽無譁
熱腸尙冀人如樹寒地翻驚室有花

座中唐花數種牡丹碧桃江南無之

挾策弟兄荒徑在不堪落日對過鴉

登省聊從袞袞塵
費何如賤富如貧
重來玉宇勝寒處
兩度黃山絕頂人
歸計深居書裏蠹
行謀勤買酒名春
花開取醉吾能辦
自此門敲古寺頻

蕭蕭官況宛邱師笑爾僧餐道士衣擊隼客原堪祭竈
化猿人未可言扉

此諷好異兼
勵飭屬也

懸弧志要期公射出岫

心聊任我歸勿植蘊崇古亦語不除臆草自菲菲

未爲徒飾亦非虛暫駐飛光息我車安坐惟應吞齧缺
學書且復托林間驢驢疇致多金骨荇藻還羞和氣蒞
夜雨近來蕭瑟甚有涯生好惜諸居

入四庫館紀曉嵐同年作詩相贈次韻答之

我才草草蒯與菅君姬姜美如蠶鬢江南君行壁幾碎
我璞一跌亦一斑乃知鬼神瞰吾輩奇福忌享佳水山
黃海怪發古帝守九華空立孺子攸

九華故名九子兩
以峯形似之也

年耳目絕平淡放步所到追窮姦偶然一灘復一狀所
與遊者驚或鷗崎嶇嶮阻故人隔幽哉桂樹吾援攀自
謂性命易不悔何況乘此清風還聞君昔遊一不顧閉
目西子湖中閒苦唵嘲我費日力一隙偷向詩書刪我
胡能贊君廁席手不遑暇足暫閒日高睡爲麋鹿夢且
任呼者來當關

答姚六姬傳見贈之作

我昨罷使十月朔自惜論文輪老斲大觀亭下十日江
風棹諸生送颶颶子家其間秀推縣桐城人喻玉在璞
知我友子兼信我謂所拔士果然卓偶作浮山三日遊

木魚鳥聽如木啄曦
嶠山黑上窮巔脚下從遊
蟻蝶撲飛擁面面落千丈
寺火照人明且較自喜試
士服此縣大江呂南手在
握象奔頗詫狩獲狸虎伏
還矜乘有較無何送者泣
吾笑示猛不用吾麟角懷
哉爾縣聽吾誨不不諄諄與邈邈日下逢君憶曩遊我縱無情此亦覺
海峰老矣劉君大魁尙巋然筆底龍蛇誰搨捉死生離合天
付之吾輩相憐惟勸學得暇持酒又看花珍重賢豪聚
處數

正月二十五日同翁覃溪前輩曹慕堂太僕陳伯
思戶部程魚門吏部出郊會飲於釣魚臺圖裕

軒學士別業用獮字

乘春羣野飲非莧反獮獮西郊釣魚臺金代遊事展我
記來往數學士園其選再至再出走佳處緣恐淺今茲
解綬歸便擬來百轉沉喜數君子早誠孟陬善是日天
不風陰陰露遠嚙極樂兩峰意故人面非面三年別汝
去江南山磨剪裁趾奏巔巔思汝如思變今者出郊看
借眺小樓緬學士喜我來笑迎阿有卷握手當樓立萬
鐵堆誰輦其外長流碧明鑑照婉婉異境爲園設瀉潦
工官遣携持升陂陀妙變天闕闌送與我學士釣魚名
可踐往昔傳高隱飛伯德蜿蜒黃鵠與鸚鵡騰句羽百

搏河中李獻能嗜之手其簡

飛伯作古別離云黃鸝樓高雲不飛鸛鵒洲寒星已

睹人多傳之見中州集

布囊投贈篇才子鉅公撰當時此園旁高

軒望大冕惜乎北山出好名會未免學士此十年春夢
席塵軟下車自荷笠悔不菽麥辨一切富貴雲藐若烟
之篆請說今日樂酒傾無底甌豈必肉如林雞豚烹臠
勝覃溪吾邑豪深器秩簋璉慕堂歌唐風樸意轉縉纒
程髯古之人風格超論辯伯思天真全崩沙踏而喘余
也雖平平間嬾世亦鮮來共學士飲穀哉俾爾戢昔人
賦良會其流美可行事殊見獵喜象近麗澤演春風飄
堞影暮闔非關闔別矣亦酣嬉素心各相勉

覃溪前輩以詩附粵東金石十餘通見贈且索余

安徽所拓石本依韻奉答

歸來何事從清話酬酢陡增金石債蒲牢難跡鳧氏鏗

宰堵易讀陀羅咀

言鐘文少幢文多也

先生示我粵東畧開拓海

濱出湫隘我搜皖歙萬山中呂取報與渺一介百涉錦

江厓湯滅三觀雲海天荒怪欲問唐銘泉獨溫

湯泉舊傳有唐

李敬方銘徧覓不得爲蛟所壞久矣

會尋秦石松同拜

余庚寅過泰山訪秦碑山人云與

五大夫松同毀于己巳歲

三天子視五大夫一字不著遊哉喟所賴

癖嗜無空過盜竊靈山飽蠹壤溜痕炙影辨文字不畏

秋霖趁午曬府州十走拓三百公然著錄歐洪派頗學

酈碑生逐波敢比揚書死爭芥先生欲之豈交易人弓
未用論疆界竊疑鼎考太高高博古圖中圖象薑酈人
陋守小篆後楚宋相遭嘻甚億請獵北邙掃狐兔刮磨
窆石慮駟猶不然夢上漢金莖刻畫猶滯古沈湮姑妄
言之妄聽之娛目當前取意快已或暫得奇相欣好之
所聚遠亦屆破空句不假海月倒披文要符山讎方將
求益恩先生切莫故人呵菜賣

華山廟碑歌和翁覃溪前輩韻

華山之碑拓本在劫超地震天不磨厥味不比古明水
玉瓚香氣斟汁抄漢高入關文詔祝孝武嵩謁華山過

仲宗三祠數減泰尊以莽奏稱非訛集靈宮建禮頗失
惜無切論爲之刪此碑徵信遷固史禪書祀志寧殊科
高文已絕落翮嶺僻事更探臥雪寔安也孫湯爵安國
子逢嗣侯銘可哦壇場肅共主嶽位六樂康舞工升歌
約薦麥魚受神福司空世世三公羅新豐書霸陵市石
尹勅屬往琢呂磋曰京兆遷碑不毀孰敢不仰神譙呵
石久靈怪失所在有或見者福不那我從何處忽覩此
不西而南凌江波全椒山足小園雨花發三月春酣和
方食有客投示我吐飯且莫師廉頗開絨點撇削生瓣
玉井蓮影飛戔戔偉丈夫婆晤對好屏却衆美羞姪娥

南行金石拓三百天之錫我此則多携涉姑溪入小閣
坐來一日恒三摩却想二東贈郭髯看華把玩人呵呵
無端共我照江水左映白紵右翠螺 國初諸老識歷
歷詩如老樾字細蚪賣茶何人善居買得之市也行嬾
娑幾年又藏黃海窟墨痕沈浸松兼蘿此如法藏閱三
界要費白馬千迴馱我歸若發汲冢竹誰辨得偈尸臣
戈六書一變始徒隸漢東莫挽流江河翁公爲我歌紙
本紙完石爛山之佗六百年來宋手拓好古欲死嗟如
何

石君疊前韻問訊再疊韻答之

遠客幡然悟有家不關道德又紛華香閨坐卧惟心解
泥醉兒童任笑譁日夕千秋此過影春明二月漸看花
學書成未猶難料贏得塗來堆案鴉

來書有索講
六書之語

田園方宅跡吹塵聊擬泉明略詠貧集子史經倒讀日

辛壬癸甲浪遊人

自辛卯使江南
今歸甲午矣

初歸江外難忘水永

歲胸中渾似春四十年餘吾意倦盧仝未要往還頻

玉工雕玉詎心師美錦休論學製衣不死何人成九轉

所親有涕著雙扉蹊牛越陌誰之過焚玉同岡將盍歸

世事好隨生共了狂夫言或采葑菲

釋文集韻葑菲
之非有平聲

堂堂日月互盈虛祇憶同官駕一車有弟歌逾憐有秋

無田家本近無間仙猶種杏防衰朽侯或鋤瓜待剝漙
二老村前新翠障何期作賦畢山居

草橋修禊詩

閉關不出思懸旌春色何處波盈盈桃花水至傳韓嬰
擊束羽觴論較精豈獨蘭亭山陰名我不遠徂聊近征
草橋十里南山出城時花之丁來候偵布席草上班華華
仰蔭黃柳間以櫂面若鏡水靜不聲重源西山秋潦傾
深春泮凍澱澱滯穿橋幾空宛在垆唐寺則廢橋猶縈
如帶之存孰經營元宮廢聖飾瑤瓊雲霧滅沒藏飛甍
來映此水魚尾頰山光澹澹時一呈此間空澗移我情

大道連車行跼跼半邨半壠人牽驛林外風簫送賣錫
環橋面面畫欲成長者白鬚飄朱纓少者視徹秋水晴
少告厥長蠅營營衆坐呂次堂列楹或起沿流渺登瀛
濯于水側人側滌雨三離立語延頸我獨堅坐向古塋
念彼柏下人曩曩今我不樂不死貞不遊負此雨與晴
言噉壺榼諸公請酒無辭多醉可令鳥巢樾密俄挂鉅
禁關叫客歸輪輕去飲太僕朋簪并無遠兄弟歌弓觥
不霰而雨霏霏清願常相見指此正夕不暢飲朝胡醒
素心人多少所撓君子樂酒惟其誠

法源寺同看海棠次魚門韻卽呈建隆

方殊內外兩俱遊花到伽藍色較幽寺古多年猶昔徑
客來小別總同流脂膚若有人垂幕艷飲何堪月照樓
昨歲廬州江上看思君夢不到枝頭
癸巳二月廬州看
海棠句憫忠寺裏
年年
看

光比薪餘火更傳故園春事隔三年去時樹下呈奇碣
辛卯余遊寺中搜得遼金二碑最後
取支後門石洗之乃唐人石幢也
去年寺中灌菊
井苦水化甘戒紫三叅疑色相落紅一晌失娉妍李
花平旦梨花夜思慮邪無問大顛

覃谿前輩五更獨遊看海棠有作見示疊韻奉答
冥心前輩獨能遊要絕人蹤花得幽香妙四更月以後

言無一句佛之流晞光鴨脚烟含樹震葉蒲牢韻出樓
曉氣清清艷一洗露零不畏濕人頭

韻事從多此必傳閒官早起記今年襪華不作勾弦影
睡態剛酣抱甕泉尤物心知有甚惡旁人背看若爲妍
模糊欲曙山堪畫棠樹西邊乞米顛

登高閣可望西山

翡翠

幾年心力費來殫翡翠籠中手拭翰料爾主人生怕見
不如相放沒相干

春寒

誰信春寒刻骨同癡人日日向東風此心飛雪崖陰死

愧說曾經花見紅

三月廿四日南郭送春會飲於何氏丙舍同作

一甌奴遣載清醪
袂襖河邊又沒篙
新日遊稀垂釣
匠好風信欲脫祇稠似山土阜人俄立如雪楊花影忽逃
西郭見還南郭見今年春竟付吾曹

偶爾虛亭地不茵
元君祠外恰遊人
罩雲山石愁將熱
迷路桃花記莫真
紅折攀條歌豔豔
尊空餞客跡陳陳
無端冠蓋來停午
九十光中大有因

野田村圃徑逶迤
膏淺塵深總不知
墓或周家飲柏樹

人如何姓乞楊枝

人間僧伽師何姓答曰何姓見泗州塔冊子時方祈雨故云

倍憐

雨韭今宵剪若放雲峯來日奇頭上催詩一片黑油然
芳令未全移

黯然惟別是耶非不道相牽不屬衣鷓鴣先鳴悲莽莽
琉璃小滴勸暉暉車塵花落日將落堞影春歸人未歸
祇覺輪聲驚倦客江南鶻又一羣飛時歸自安一
歲未久

三月廿七日集飲海波寺街韓氏紫藤花下和覃

谿前輩韻

藤根賦送客無恙山中柯

斧柯無恙山中樵此竹垞先
生乙丑九月古藤書屋送別

句也先是甲子春已有自
禁城徙居宣武門外作矣乙丑九月初謫居經歲哦

賜宴罷移家宣北坊字摩詠柿復吟杏恩恩詎有那思

歸水更山市井還婆娑青紫花光奇未忘綬之綢看花
作詩再下簾手自接遲湯想廳簷共查憶島阿餘頗負
花時跡類鴈鵲窠一身六年藏穀采噴仙螺中間丙丁
戊舊聞百寫過往時日下蹤吾輩來頻酣欸門相坐花
酌酒更起歌緬茲古麗人亂髮脂鬢影香御悅飄風柰
此春深何濃態束蠻厨淺色剪越羅惜值月下浣不放
穿金波竹垞藤曰古稱詩互琢磋沉閱歲九十花壽何
其多錢君重書隸書屋名不訛人幾晞易露花欲清俟
河宅萃伽南蜜匾古活東蚪君子喜旣見或喻阿沚莪
此藤花下人不稂莠皆禾故友感韓六華屋存未頗看

花我又來諸郎色孔和花底讀父書怵惕春蹉跎吾鄉
翁先生勸學言不磨誰鞭日車駟亂撼瑪腦珂藤空芍
藥辦更教看側坡東坡句云穠李爭春猶辦此
更教踏雪看梅花故用其側
雨後遊陶然亭歸飲慕青編修寓齋次覃谿前輩

韻

江屋過沉雨歸來稀到亭淡陰三角堞新綠一池萍僧
定無人見塵吹昨夜停壇邊依舊樹若爲十分青

出追前輩跡小渴顧吾門果賴載醪客爲持今日樽昔

遊愁落照偶到喜重軒

陶然亭面西山
處僧增構一軒

盆菊先秋意拚

成劇飲論

孔主事繼涵報覃谿慕堂東原魚門彥孫同遊宏

慈廣濟寺看古樹花同作

開花之樹諺浪誦我聞來訪牌坊庵

寺在西署牌坊側

病脚僧

肥花滿樹感我逝者由哭瞻兄死僧生吾獨到看花遊

處巾空霑

仲君數訪松崖師於此

乃知佛說不開妄花忽搏湧人

向崦此樹根老百圍死新條上擢柔冉冉楸葩雞羹腹
慙儉樟葉牛耳頭誇尖小傳莫疏枳更梓爾雅似說梅
爲枏巴蜀上庸夥此種南材北植人爭覘質久理堅倚
寺古宏慈廣濟中藏潛幾百年來幾逃劫銅石不受危
亡謁道士呼之鐵樹誕

聖人命以散木厭石碑五尺表爾幸萬山草木鋸或鏤
不願梁棟在繩尺竊比松柏甘鍼砭阜成門邊麥秋萼
聊共歲歲豐茅簷裹回樹下心擬似地黃花貪烟葉廉
以草狀木神肖酷恐風吹雨誰留淹平生花遊此較別
明年春約當先占博物終難獨醉易吾友招我非村帘
魚門招飲看瓶中芍藥假余所藏方密之臨古帖

卷子示客同作

昨冬十月大通口舟隔浮山青與山無可師孫一棹來
手厥祖書拜而叩此書匡廬頂上爲黃冠不歸一枯叟
掃塔八閩大乘禪背寫十家小學部問佛逕刪仙路句

末臨楊少師神仙起居法缺末二句破叅聊向鬼門走師言我乃持破竹

耳搬柴運水獨自嘲轉斃拊髀同不苟一夕萬安沐浴

罷塔髮藏顱爪藏拇師化後子孫迎其尸歸葬而弟所

親衾殮禮掩親著作巋然貽厥後此卷文字接初祖直

拈人心跡無垢鍾慙阿兒楊笑父顏氏庶幾其吾偶背

臨墨經瀑布洗抱守先防列缺吼祇今傳觀芍藥前頗

類宋賦花之某集韻某酸果也莫後切草書蒼蒼正書正不須溯

隸追蝌蚪酒行字影軒更昂精進工夫出抖擻艷光照

之失斌媚大白浮來敢噎歐座中亦有公鄉人花下同

看意彌厚翻然我憶山中桂遺像神光此辨取王辰九月余拜

師畫像
於浮山卷歸插架百年風敝紙莫教從宿莽

玉琢

玉琢貴以石人觀乃用磨春風吹庭樹綠陰在其柯君
子惟勤學所事在切磋草木以時發生氣天始和息息
還相推長長在南訛學者志古人識字從蚪蚪六經樹
厥根諸子及其波子能從此學所得亦已多高抱慕其
元其下衆妙羅何以勗遠道堦前綠莪莪

寄贈馬補庵

樹老波清鱗酒肥江南遊亦恰冬衣五湖弦影人良勗
十月樸花歲古稀雪淨寒山曲磴熟松陵師子瘦思微

新詩若付家兒寫擬乞瑜蘭幾葉歸

諸季從游家世嫻側聞桑者賦閑閑入都第五書通後

閉戶冬三文足間有子席爭通德論

時令子輩謝爲館閣諸公校勘四庫

知翁券握雅宜山人生壽考兼名勝所得何當畏彼羆

登岱圖爲張翁作

庚寅聞役吾乘輶取道東道山嶺巢泰安一宿意飛舉
籃輿初上鐘鳴宵出城不辨人秉炬回馬忽覺身凌霄
虎廟二若駭上顙快活三且舒中膳御坪斜轉五松近
秦官適被僮夫燒二千餘年神物死四十圍本長林饒
生平對松山酷嗜夢中曾見魂飄飄層層策杖踏石動

紳泉亂挂輕生綃雲吹石罅烟霏似石雲水又松風潮
此間一轉到百轉五內屏息不敢躡嶽宗靈妙或聚此
重疊人畫天門遙遠爲布巾近鐵索揮手直上神仙邀
昇仙小住十八折秦刻剝滅唐銘標嶽帝元君鬼可黨
青宮玉頂天所朝顙額端正厭九黠齊州此境真超超
左旋少迤孔子到蹤跡澹澹餘申天日觀在東但雲氣
斷絕下界通秋朝介然倏仰偶躋此來路不見空歎歎
淹留未可翩爾下靈境一局幾悵怙今番張翁圖示我
先庚先我遊何趨眼中一髮人昇上古制髣髴楮與樛
我曾識之却不用兩脚上下輕乘飈同遊大范真長者

閉目跼蹐髀肉搖險處嘲渠夷詆我名勝後勿煩相招
宛然笑語此圖裏十年先我窮山椒得奇非要遇牽狗
不若何畏逢竊貓危哉所到孰冠絕惜不偕往同足翹
翁行老矣篤好在一獄一卷隨行飄切防毫芒雷電取
留此鴻雪人間灑

六月五日在陳伯思齋中與百三十八歲山東劉

老人飲臯溪前輩抱疴未至以詩來次韻答之

前輩生香小小廳

生香書屋未齋先生自題

此間盛酒豈猶餅

余從伯思

兄弟飲此二十餘年先生下世今四年矣

廿年舊跡河清俟一座遺民天寶

聽客病神完偶寂寂我生斗在亦星星香山九老遊誰

遂得此翁看眼便青

來詩有約遊
秘魔巖之句

題李生畏吾所畫松伸棘屈圖

山石金之餘不木克而生松乎有心木入金出以亨所
以轉附石盤錯穿崢嶸苟積土而厚千年始榮榮吾嘗
靈窟闖南北雙睛瞪松得石者止得土者行行山水天
地得大哉莫之京南黃與北盤根拳蓋偃擎要其所本
性理直執不平中有氣充之儼立古老更縱橫柯葉到
一一有力定懷此意累年自詡工松評及門聞生李畫
松使我驚喜大江塹走一林風吹笙又疑西山壇親謁
武德英舞空天之下萬里濤澎湃何處子得態伸伸意

分明不見棘屈屈松根自逢迎感子畫意摯爲子歌詞
賡命之屈非弱志必伸者勅二端孰輕重斯畫爲之衡
請張子雲宅松乎奚其卿

九月十三日約王懷祖史文暈陳梅岑何數峰及
姪玉川爲西山之遊

涼風吹穉穉萬片落何忍天香在其中落悲華又稊獨
我閉門觀妙理閱無盡西山翠峩峩邀客發連軫載者
雙玉人蓬髮泣雲鬢吾家亦有駒駿足絰軸勒曰宜縱
之遊相索氣淒緊山中客素衣涕輟領遠引我更王生
俱先後出郊吟此遊信清絕秋意刻肝腎寒流經盧溝

日色淡嶢嶢土囊一折去翠嶂排闥齧吾徒亦何嗜塵
想甃泯泯入夜山月空心曠無一窘擁衾茅舍間寒映
或聞斷

數峰爲落第遊山詩慰之次韻

古節誰聆鸞更和霜蹄看爾一蹉跎踏香且逐烟霞上
拂韻堪消山水多曾浴泉砂靈氣入爲尋潭柘舊聞過
黃沙囊外分岐路子慕予應在荔蘿

秋來出郭試風臨不送將歸情自深謝客遊山吾強意
劉蕢下第古傷心瘦谿蔓蔓驚蒿塞寒巷狺狺感雁瘡
略覺東邊弦繳猛嚶鳴逼爾嘲連林

陳迹蓮花本一身捫藤又共出輕塵峯爲極樂天邊石
客似遊僊夢裏人情重愁看紅葉豔意消好照冷泉因
且拚一往都拋却天氣今朝分外新

宿二老莊卽事

散步沿積沙清溪伏其下松風一襲人翠綠與天西相
携坐樹根無人自成野月上南岡行空光若流瀉
築場秋老空土堅白於霜丈尺度小亭此間可平望曲
水繞其足重樹翳山梁寒慄留不能泠泠夕風涼
夜久談轉清四窗忽以寂爛漫勞者睡靜聽始歷歷樹
聲空外過疑與流波激相顧忻素心此意他時覓

取道灰厰茶於野廟

晨曦耀高枝穿林過墓下涉溪莽無轍兩輪欹不暇草
行陂坳橫陡落夾溝罅升降久路得直奔艱握靶橐駝
負石炭千百塊亂躡輾羸立耳驟走走撞山胯馬鞍峰
擊面嶺背遮潭柘二十里灰厰素塵染不赦靈窟據祝
融山髓壓似醅烹煎石槽粕積之久更化片片復作山
上蠱臺又榭風簸灰朝朝撒鹽休雪吒壘壘中和焚黑
煙勞若炙大柳驅長鞭重載驢歐歐外枯內有液綠樹
窺客姘名山所波及生氣非假借我遊熟指客三元廟
近迓殿後雙松翠告客少停駕莫驚此大夫山松天下

霸且共呼僧茶土淨地聊藉

千佛巖

東京華樓遊遶人題巖石大小佛曰千古刻屬唐手其
村呼石佛扣煤人黑醜涅此妙圓相問佛得緇否石乃
因之奇化鐵昂大首秋潦噴瀕之跨橋走其瀏我行上
下江一角袖中有寒山與琴溪螭蛾媚古婦此壁毋乃
樸高隱垢自受茲與客幾來舍車徒且膝側足下塵載
飛步上雲負自昔芒屨人踏石半成白

茶棚道中行看紅葉

扶竹上上雷喻頤佳處漸入如啖飴石徑一折象魏疑

明兩宮作中官治以丹塗石仡嶷嶷計里以五古壇基
琳宮見首螭鬚髣髴隱隱若卽中睟眙壓雲夾磴林立櫺
嶺重峯複人偵伺石石撲面舞傲傲密枝蒙條荐建旗
錯綜參差弁飾璫其株千萬岫豆萁秋陽然之火光熙
冷霜相侮涼飈欺摧拉嫩綠色不怕騰黃輔丹薄頰持
佳人倚暮照崦嵫陸離神光遇者癡空山與予目成茲
異境恍惚俯而思仰彼顛天悲秋時老物葉葉戀不辭
變化豔妝春似之鞠黃中通誤名落安石榴鬢裂作絲
紫荊滿屋暝影瞋五色令人眯且咲花氣妍妬美姜姬
幻哉若真真哉噫奇景不遲不早來大空自處靈自嬉

秋山欲死天爲醫
輕烘淺染畫誰遺
行行莫止逸韻期
客歌一篇紅葉詩

靈泉

陜曲復叢薄山迴不見嶺
不愁墮愁蹟道旁惻智井捫
碑正統年律師說法整六月
萬人聽暘走截乾餅流涎
梅未傾灌頂露畧省赤汗與
悲涕莫救渴一頃羣龍亦
側耳發願力能逞師喻衆
往觀螺旋道仰頸卽此鑿百
尺泉湧冽不淫宮中聞輪錢
助者萬億併沙門宗林書
靈跡又空窅神物爾何懶
澁此一邱消終令髡遠汲遊
者壺自請尋奇相踵足索理
吾引領石髓無時枯通氣

叅之靜

念佛石

聞提佛性斷不覺亦何念石上念佛字幻師語奚僭老
生監屋百點頭若病疔覺苦亦覺樂無苦樂無樂此老
曰佛住石鑿石不玷不日日念佛念佛人則忝風聲復
雨聲著石石爲墊并作念佛聲聲聲念能兼客來憇石
邊佛念頻頻添若解念本無一筆與竄點

接引松

禁龍虵虺蚪鱗
甲銅鐵諸字

入門兩松翠針稊三折孤臺要接引何人左立千手垂
掖我通身步不窘傲羣癡獨夫何求斯翁當路春又秋

老婆心轉切骨强大夫名自宏風流仰入寒空性本直
拊摩下界英英色韓公園李歐谷桃高岸霜姿苦爾憶

破壁松

酒豪意懶伸脚卧挂向虛空差解慵不必懸厓撒處僵
忽若無人當者破此松拔山陡絕成疾風撼之身轉輕
桑乾莽莽欲飛去壓以石壁呵山精壁後松先誰攀掇
仙者或騎戲天表却憶黃雲破石奇穿穴璫瓏態小小

搖動松

天憐愚公夸蛾負杖化鄧林怪誌久不動而動神鬼爲
一髮牽身覺自有松本爲身枝髮髮人手推枝影亂月

徂徠魂魄死忽生茯苓精氣盈何竭輕之引重所托虛
山骨空嵌中何如渾河作瓶松浸水四遊與地相吹噓

九龍松

汪罔故侯或種菰白皮不化松身豐九枝天上色肥美
巨菜可以飽餓窮秋皴欲脫綠薜滑冬髮微稀碧毫拔
臃腫槃礴松當中種種角髯一服八羣松朝此佩磨劍
浩浩濤聲答清梵若令同衆馴法王九海光中逃汎汎
平頂松

白皮松在松枝伸仙人列坐鋪翠茵和尚骨埋一千載
看雙塔頂昏連晨

遼法均禪師墓在其下

戒壇白白松綠綠一角

當之東北曲月濶桑乾根直到天偃勾陳頭不觸枯身
檜葉憑浪擬仰面看空謝餘子雨皴雪漬山告豐呼我
暴尨心亦喜

鳳目松

黃海青鸞飛出谷

青鸞松在鰲魚洞口壁上

戀壁不去失其目我驚

秀絕此松頭一目罅開連理木針針繡作翡翠青筆筆
畫成踴躍形顧盼深憐九苞子膏膾斜立一字丁信知
古鳳此集死玉臺空空尙遺視先鷄夜半山壑鳴初日
團團射松底

如意松

空山有人擊如意竹與石和古之志山窟天生如意松
悲歌不作燕中寺松本屈盤松末卷枝枝倒捲鑪煙旋
雲岫異光樹乞石佛手清氣入嗤掇當夜神燈松外人
莫是山川招隱急松如客意客歸山盟爾團蒲與臺笠
歸自山中東同游諸子

王懷祖

北越河淮載子車名山連榻又叩驅伏厓變色談三市
縋洞捫痕意六書此處十年當不悔中宵一甕且休虛
渾河炬上燒峰燄招隱靈僊或告予

十四日夜千佛閣
前神燈見無算

史文量

離會蒼茫不可猜
秋風吹客賦臨臺
忘憂草脚依前發
極樂峰頭與再來
六逸佳名頻巧合
庚寅三月與文量
六人來游錢辛楣
少詹有句云竹溪耽逸
人仍六今遊者亦六人
兩山清境忽晴開
雪衣人自同還往
登眺中年半感哀
時文量在外艱中尊甫
漢英先生子表舅氏也

陳梅岑 熙

化陽洞口態踰跂
假爾奇遊此合并
人感兩輪垂驥意
梅岑體弱不勝陟
險時方下第故云
堂虛三宿戀柔情
入山渾忘風埃甚
挹袖惟憐臭味清
一竹一松他日憶
月明步冷夢難成

何數峰 青

晤遊信美別勝嗟
空谷心如對爾遐
連夕夢清通竹樹

幾生跡絕到蓮花

癸巳秋余登黃海之蓮花峰其春數峰先我而至

出山泉水

難睇淚上葉風光誤癖霞吾黨誰爲至老計祇今未老

鬢霜加

姪玉川

錫紱

深沈默爾思能適書讀無難可放遊靈運興原人詎賊

仲容趣已我同流潭移不測嬉雙螯松動何勞挽萬午

老矣菟裘山屬汝行滕莫負好春秋

潭柘有蛇曰大青小青或墮有搖動

松皆神物也

輓張君體乾

善胡不佑威浮休白露黃英相向秋十幅被成鴿好賦

一生冠絕岱工遊于公霑霽門應大石老芙蓉城竟幽
恰值故園邸舍就幾人車過腹盈愁

諸敬甫

世器

送酒以詩次韻報之

通人輒窮走足跡躡大槩出邇復集都澆愁賴酒取何
以轉餉我引滿措兩挂二瓶未立盡一石已輸古子兮
五湖豪肫然見膈腑古文詞有法意在歌且舞其醇必
縱橫萬卷爲之主不聞極其情妙合尺寸武僕請以飲
言勇哉要詡詡得之不在酒哇吐出臭腐和子胡不喜
雨風鳴棟宇

十月十二日同遊陶然亭至夜再飲何數峰寓齋

六人益一尋前盟去看城南枯槲梗每逢遊旦必晴佳
却說宵來北風猛晶晶冬日古所愛小春枯樹苞桃杏
飛埃不動隱西轡天掃纖雲出空境僧房深語起四眺
暮堞參差送遠景孤亭野色會所遭潦盡蘆根浸涸潏
蒼蒼秋水已可憐何況將歸客咽哽

謂梅岑

眼中素交畧

難得携手寬閒心恹恹安能判作無情人麋鹿相逢在
曠町同遊共惜今夕酒杯觥剛歡燭已秉月出流光筵
外空岐路屏營爭顧影荒隅一角吾輩來可負寒宵踏
草黃何生逸興倚玉樹揖我穿街酒更令請倒十瓶對
蜩毛天外清歌醉魄省鬼如可感會誠高蘭亦有言思

更永但畏鷄鳴初膊膊竊恐窻幽漸囹囹席邊定有僕
屏僵漏底將殘卒鼓打平生未恤笑如泥今此頻留夜
忽冷驪駒在門客賦去主人愛客意慙慙橫街春樹記
他時憶爾無眠不須賴

余於戊子秋分校得梅岑卷力薦而未有合撤圍相
見覩其人益嘆其文也壬辰試士安徽得數峰以爲
清絕比今年甲午秋二生來試都下復有蹶蹶之嘆
然於余獲過從晤語者幾半載九月二生從余偕王
懷祖史文量諸人遊西山樂甚歸復時時爲文酒之
會十月下旬梅岑行有期矣獨數峰尙留耳豪賢聚

處將感曩人輒致其意於是詩之後

題白陽山人水墨花卉

白陽山人水墨工人不呼名以字充淡墨欲無元氣烘
畫家別出衡山公無倪之癖有沈通偶然筆趣疎斜風
浩歌亭子如坐篷雨窗興發天靈靈花花爭借霧露融
微痕輕抹妙且冲新桃一枝意態紅一莖一蘭芳若蒙
梅臭轉淡橫姿同繡毬圍作空雲凍硬首石榴丹藏裏
忘憂之草葉忽忽白蓮遠遠水一弓花肥梔子鼻觀攻
霜威不倒芙蓉叢鵝黃葵心媚秋穹短籬色傲南山崇
仙乎合配清絕翁十三種卉十二官四時生氣人非俑

踰巖一雌水九雄陰陽巧匠交淫濛濛天長養忝元功
渲染著紙苞幾幾黑雲布處揭鼓鼙助以屏翳與豐隆
雷雨甲坼幅幅中偏其反而來歌童蜂蜂蝶蝶誤百蟲
山人之技竭明聰我南而北捧躬躬嚴冬召客酒厚醕
萬木枯閉裴蒙戎紫腐綠爛天空窮一冊出座春滿躬
人生僵死目要豐相知相視笑兩瞳對花引滿斟不虛
歲晏樂酒要其終須臾付與烟霞空

送錢獻之帖還嘉定卽題其篆秋書屋圖

錢生力絕姚江渾火色已詫魴與鱗我涉江歸此識君
派導羣言窺一本君家大阮擬鄭鄉昔我齊年飛逐栩

君才何止小同過入流仲容味差醜叔也別我姪且從
惟我連朝胸次懋良朋益友古所難此際賢豪愁減損
今秋小躍仍大躋不欲先趨自節搏校書渠祿正求賢
力不能言心默忖諸經疏釋要六書如子升堂兼入闕
何人目笑指六君

時呼好爲六書者翁覃綸戴東原陳竹丁王懷祖君及余爲六君蓋嗤之

也

似比窮奇與混沌不才鄙人字不知敝帚何辭棄一

畚翁戴巖巖且退遜子與王生兩磻碕旁能穿穴中嵌
空一髮無前破茫混何須大翮戲飛仙次仲翻留彭祖
遁江南烟水春信美涸凍歸期泮凍穩讀書佳處書象
秋聊取鄙材扁手封害文徒隸各不用大古小猶束之

國居奇行法斯翁推叔重一編道由壺三間老屋坐秋
風花紅果熟咀且刳那肯來禽寫俗書二徐訛誤刪成
稻掣肘從違大又手開畫須通上下一卽遭鄭尹與我
何未必史守呼伯笨退隸五簾黑池一如彼農夫是穠
藪算子將歸此亦得依孝依忠語吨吨他時書奇幅兩
三愛屋懷人吾意愜

題太倉王氏所藏黃公望爲張雨畫山居圖八幅

同賦

勾曲外史神仙主偶與黃公海虞聚天教兩處山水傳
八幅蒼皮千結縷四幅貞居陶氏搆四幅飛泉吳女跬

天河雜瀑雲痕奇地肺通陵字形迂無端付與兩翁隱
下筆鬼來瞰室舞噫嘻弱腕烏能爲據几伸眸幅幅數
空波岸高四木立棹轉桅牽負雨墜一髮繚繞隨風虛
挽去山坳看叢樹此舟倚壁觸瀕洞荒徑無人石磴礪
忽然有屋狀桐君複嶺楣橫棟上挂人言拂水濺風飛
片葉錢唐篷子窶瀟瀟草竹吹山髮疊嶂重舒響側隅
矗石以往長松撐灘出人頭趾愁煩滑谿細徑心惴惴
一角遙山妙覆釜從茲蟲蠹亂楮裏有屋無聲景媚嫵
遠遠平平空濶外大橋跨波挂曲矩依稀仙塢宅高流
窸窣中間天臟腑七里灘頭我所過兩岸人家住甕甌

此真富春江上景借作茅君虞仲字大癡哥胡作狡獪
常熟兒呼永嘉父生小移家看浙山夢裏山居尋穴禹
一穴舌舐句漏砂一穴七星抬手斧洞天福地神往來
墨汁筆毫靈盜取此幅成來五百年至正乙酉月吟羽
渚北山人孫鼎藏太倉王氏曾臨撫當時題識盡元人
足了此生伯雨甫諸家文安歌大德初年子中書洪武
張樞老去貝瓊誇鄴韶少年鐵笛詡蒲姑楊壽亦能詩
玉山堂中半舊雨卷中蹤跡嗟宛然豈惟尤物人俱俱
燈紅酒綠淋漓張名輩相遭心共拊况茲奇跡一見難
今古後先足仰俯紛紛贗畫署子久靈鳳殊雞玉別砒

胷中邱壑固所有險絕能通此其愈倘遊畫裏返自厓
失色還教失意憮

書董文敏手書太倉王氏御書樓記冊子後

神廟前朝南相名御書樓說哲孫成

文肅之孫尚寶丞時敏建樓以貯御

書教臣庶子無忘訓將母江陵自致情斬佞一人驚忌

救立妻數語感殷爭王家不少男兒懃別向山陰道上

行

謂王文端家屏

首輔朝還定冊圖內臣手詔捧來孤風流宏長翰申伯

列朝詩稱申文定歸二十餘年太平翰墨輝光借董狐

羊酒賜頻宮有勅禽音散後國無徒蘅梁更砌依然在

笥河詩集

卷十二

美

巷口烏衣人自都

笥河詩集卷十二終